

140



**БАЯНХОНГОР АЙМГИЙН
ИРГЭДИЙН ТӨЛӨӨЛӨГЧДИЙН ХУРЛЫН
ХУРАЛДААНЫ ТОГТООЛ**

2020 оны 12 сарын 04 өдөр

Дугаар 2/7

Номгон

Аймгийн Засаг даргын 2021-2024 оны
үйл ажиллагааны хөтөлбөр батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 19 дүгээр зүйлийн 19.1, Хөгжлийн бодлого, төлөвлөлт түүний удирдлагын тухай хуулийн 17 дугаар зүйлийн 17.4 дэх заалтыг үндэслэн аймгийн иргэдийн Төлөөлөгчдийн Хурлын 8 дахь удаагийн сонгуулийн ээлжит хуралдаанаас **ТОГТООХ** нь:

1. Аймгийн Засаг даргын 2021-2024 оны үйл ажиллагааны хөтөлбөрийг хавсралтаар баталсугай.

2. Үйл ажиллагааны хөтөлбөрийг хэрэгжүүлэх арга хэмжээний төлөвлөгөөг баталж хэрэгжүүлэхийг аймгийн Засаг дарга /Д.Мөнхсайхан/-д үүрэг болгосугай.

3. Тогтоолын хэрэгжилтэд хяналт тавьж ажиллахыг аймгийн иргэдийн Төлөөлөгчдийн Хурлын Тэргүүлэгчдийн нарийн бичгийн даргын үүргийг түр орлон гүйцэтгэгч /Ц.Байгальмаа/-д даалгасугай.

ДАРГА



Э.ЭНХБАТ

1200014

Аймгийн иргэдийн Төлөөлөгчдийн Хурлын
2020 оны 12 дугаар сарын 04-ний өдрийн
II хуралдааны 2/7 дугаар тогтоолын хавсралт

**АЙМГИЙН ЗАСАГ ДАРГЫН 2021-2024 ОНЫ
ҮЙЛ АЖИЛЛАГААНЫ ХӨТӨЛБӨР**

**Нэг. “Ковид-19” халдварт цар тахлаас үүдэлтэй эдийн засаг,
нийгмийн хүндрэлийг даван туулах бодлого**

1.1. “Ковид-19” халдварт цар тахлаас урьдчилан сэргийлнэ.

1.1.1. Аймгийн нутаг дэвсгэрт коронавирусийн халдварын цар тахалтай тэмцэх, хүн амыг “Ковид-19” вирусийн халдвараас урьдчилан сэргийлэх, салбар дундын зохицуулалт, гамшгаас хамгаалах алба, мэргэжлийн ангиудын үйл ажиллагааны бэлэн байдлыг хангана.

1.1.2. Хорио цээр, хязгаарлалтын дэглэм тогтоосон үед эрүүл мэндийн салбарын хэмжээний шаардлагатай эм, эмнэлгийн хэрэгсэл, хувийн хамгаалах хэрэгсэл, оношлуур халдваргүйжүүлэх бодис, эмнэлгийн тоног төхөөрөмжийн хангалтыг тасралтгүй нэмэгдүүлж, хомсдол үүсэхээс сэргийлэх арга хэмжээг зохион байгуулж, нөөцийг бүрдүүлнэ.

1.1.3. Цахим орчин, хэвлэл мэдээллийн хэрэгслээр дамжуулан, иргэдэд коронавирусийн халдвараас урьдчилан сэргийлэх чиглэлээр эрүүл мэндийн мэдээлэл, зөвлөгөө, зөвлөмжийг хүргэх, сэрэмжлүүлэг мэдээллээр хангах ажлыг эрчимжүүлэн зохион байгуулна.

1.1.4. “Ковид-19” вирусийн халдварын үеийн орон нутгийн эрсдэлийн үнэлгээг салбар дундын оролцоотой хийж, үр дүнг шийдвэр гаргах үйл ажиллагаанд ашиглах, эрсдэлийг бууруулах цогц арга хэмжээг хэрэгжүүлнэ.

Хоёр. Хүний хөгжил

Эрүүл иргэн-Ирээдүйн үнэт зүйл

2.1. Аймгийн нийт хүн амын дундаж наслалтыг нэмэгдүүлнэ.

2.1.1. Нотолгоонд суурилсан оношлогоо эмчилгээний уламжлалт болон орчин үеийн анагаах ухааны дэвшилтэт техник технологийг нэвтрүүлж, иргэдэд орон нутагтаа нарийн мэргэжлийн оношлогоо, үйлчилгээ авах боломжийг бүрдүүлнэ.

2.1.2 Эрэгтэйчүүдэд чиглэсэн эрүүл мэндийн тусламж үйлчилгээний чанарыг сайжруулж, тэдний эрүүл мэнддээ тавих анхаарлыг нэмэгдүүлж, ажиллах

боловсон хүчнийг бэлтгэн, төрөлжсөн үйлчилгээ үзүүлэх орчинг бүрдүүлж, “Эрүүл чийрэг эр хүн” арга хэмжээг хэрэгжүүлнэ.

2.1.3. Иргэдийн дунд зонхилон тохиолдох халдварт болон халдварт бус өвчлөлийг бууруулж, нийгмийн эрүүл мэндийн үйлчилгээний тогтолцоог бэхжүүлэх замаар иргэдийн урьдчилан сэргийлэх, эрт илрүүлэх үзлэг, оношлогоо шинжилгээнд хамрагдалтыг нэмэгдүүлж, сэргийлж болох нас баралтын түвшинг бууруулж, “Хавдрын эсрэг”, “Элэг бүтэн Монгол”, “Харшлаас сэргийлэх”, “Халдварт өвчинтэй тэмцэх, сэргийлэх” арга хэмжээнүүдийг хэрэгжүүлнэ.

2.1.4. Нөхөн үржихүйн тусламж үйлчилгээний чанар, хүртээмжийг нэмэгдүүлж эх, хүүхдийн эндэгдэл, үр хөндөлтийг бууруулах зорилгоор “Эх, хүүхэд, нөхөн үржихүйн эрүүл мэнд” арга хэмжээг хэрэгжүүлнэ.

2.1.5. Анхан шатлалд үзүүлэх эмнэлгийн тусламж үйлчилгээний чанар хүртээмжийг нэмэгдүүлэн иргэдийн чирэгдлийг багасгана.

2.1.6 Гүйцэтгэлд суурилсан санхүүжилтийн оновчтой арга хэлбэрийг нэвтрүүлж, эрүүл мэндийн даатгалын тусламж, үйлчилгээний хүртээмжийг нэмэгдүүлнэ.

2.1.7 Эрүүл мэндийн ажилтны ур чадварыг сайжруулж, ёс зүй, харилцаа хандлагыг дээшлүүлж, нийгмийн хамгааллыг дэмжинэ.

2.1.8 Бүх шатны эмнэлэг, эрүүл мэндийн байгууллагын барилга байгууламж, дэд бүтцийг сайжруулан, стандарт, чанарын шаардлага хангасан тэгш, хүртээмжтэй, чанартай үйлчилгээг хүргэнэ.

2.1.9 Эм, эмнэлэгийн хэрэгслийн чанар, аюулгүй байдалд хяналт тавьж, сумдын эмийн эргэлтийн сангуудын үйл ажиллагааг сайжруулж, үнийн нэгдсэн бодлогыг бий болгоно.

2.1.10. Эрүүл мэндийн үйлчилгээг цахимжуулах (Үзлэгийн цаг захиалга, эмчийн үзлэг, өвчтөний цахим карт, лабораторийн хариуг цахимаар авах үйл ажиллагаа)

Идэвхитэй амьдрал - Чийрэг иргэн

2.2. Эрүүл, идэвхитэй амьдралын хэв маягийг сурталчлах, эрүүл аж төрөх ёс, нийтийн биеийн тамирыг дэмжих үйл ажиллагааг орон нутгийн түвшинд дэмжин хөгжүүлнэ.

2.2.1 Спорт цогцолбор бүхий усан бассейныг ашиглалтад оруулж, үйл ажиллагааг тогтмолжуулна.

2.2.2 Иргэдэд эрүүл зөв хооллолт, сэтгэцийн эрүүл мэндийг дэмжих, хөдөлгөөний хомсдолоос сэргийлэх, бие бялдараа хөгжүүлэх спорт, спортын

дасгал хөдөлгөөн, иог, бүжиг хийх зэрэг эрүүл, зөв амьдралын хэв маягийг хэвшүүлж, эерэг хандлагатай болгох нөлөөллийн үйл ажиллагааг бодлогоор дэмжин, төр, хувийн хэвшил, иргэдийн оролцоог нэмэгдүүлж, “Эрүүл, идэвхитэй амьдрал” арга хэмжээг хэрэгжүүлнэ.

2.2.3 Аймаг, сум, багт үйл ажиллагаа явуулж байгаа спорт заалнуудыг ашиглалтыг сайжруулж, нийтийн биеийн тамир, дасгал хөдөлгөөнийг хөгжүүлж, иргэдийн оролцоог нэмэгдүүлнэ.

Боловсролын чанар-Хөгжлийн тулгуур

2.3. Хүн бүрт чанартай боловсрол эзэмшүүлж, боловсролын чанарын үнэлгээг дээшлүүлж, хүүхдэд ээлтэй, эрүүл, аюулгүй орчинг бүрдүүлнэ.

2.3.1. Боловсролын чанарын үнэлгээг дээшлүүлж, суралцагчийн хөгжлийн хэрэгцээ шаардлагыг хангасан бүтээлч багшийг бий болгож, “Чадварлаг багш” арга хэмжээг хэрэгжүүлнэ.

2.3.2 Тусгай хэрэгцээт боловсролын анги, бүлгийн хүртээмжийг нэмэгдүүлж, багшлах боловсон хүчнийг бэлтгэн, хүүхэд бүрийг боловсролд тэгш хамруулах боломжийг бүрдүүлнэ.

2.3.3 Сургуулийн өмнөх боловсролын хүртээмжийг нэмэгдүүлж, сургалтын орчныг хүүхэд бүрт ээлтэй болгож, багш нарын ур чадварыг нэмэгдүүлнэ.

2.3.4 Сургууль, цэцэрлэгийн барилга, байгууламжийн чанар, аюулгүй байдалд хяналт тавьж, барилгын стандарт, норм нормативийг мөрдүүлж, эрүүл, аюулгүй орчин бүрдүүлнэ.

2.3.5. Сургуулийн дотуур байр, гал тогоо, спорт болон урлагийн заалны хүртээмжийг нэмэгдүүлж, сургууль бүрт “Үдийн хоол” олгох боломжийг бүрдүүлнэ.

2.3.6 Насан туршийн боловсролын хүртээмийг нэмэгдүүлж, цахим сургалтыг хөгжүүлж, иргэдийн тасралтгүй боловсролыг дээшлүүлнэ.

2.3.7 Орон нутагт эрэлт хэрэгцээтэй мэргэжлийн боловсон хүчнийг үе шаттайгаар сургаж, Политехникийн коллежид төмөр замын чиглэлээр мэргэжилтэй ажилтанг бэлтгэж, ажлын байраар хангана.

2.3.8 Ерөнхий боловсролын сургуулийн сургалтын үйл ажиллагааг цахимаар зохион байгуулах боломжоор хангах, сургуулийн орчны нэвтрэлт бүртгэлийн системийг шинээр нэвтрүүлнэ.

Шинжлэх ухаан, технологи, инновац

2.4 Эрдэм шинжилгээний байгууллага, их сургуулийн хамтарсан "Судалгааны баг" байгуулж, судалгааны ажлын нийгэм, эдийн засгийн үр ашгийг

нэмэгдүүлж, хувийн хэвшлийн хамтын ажиллагааг дэмжиж, шинэ мэдлэг, патентыг үйлдвэрлэлд нэвтрүүлнэ.

2.4.1. Аймгийн харьяат эрдэмтэн, докторуудтай хамтран бүс нутгийн хөгжлийг дэмжинэ.

2.4.2. Орон нутагт үйл ажиллагаа явуулж байгаа Худалдаа үйлдвэрлэлийн дээд сургуулийн үйл ажиллагааг сайжруулна.

2.4.3. Политехникийн коллежийг түшиглэсэн Бизнес инкубаторын үйлчилгээг өргөжүүлнэ.

2.4.4. "Бизнесээ эхэл-Бизнесээ хөгжүүл" сургалтыг үе шаттайгаар зохион байгуулж, жижиг дунд үйлдэрлэл эрхлэгчдийг дэмжинэ.

2.4.5. Шинэ мэдлэг, патент гаргасан эрдэм шинжилгээний байгууллага, хувийн хэвшлийн судалгааг гарган бүртгэлжүүлж, урамшуулна.

Халамжаас-хөдөлмөрт

2.5. Хүүхэд залуучуудын програм болон техник сэтгэлгээг хөгжүүлэх боломж бүрдүүлэх лаборатори байгуулна.

2.5.1. Хүн амын хөдөлмөр эрхлэлтийг нэмэгдүүлж, иргэдийн амьдралаа авч явах дадал, хэвшлийг дээшлүүлэх чиглэлээр олон талт арга хэмжээг зохион байгуулна.

2.5.2. Нийгмийн хамгаалалын үйлчилгээнд хамрагдагсдаас зохион байгуулалаттай ажлын байраар хангах үйлчилгээгээр дамжуулан тогтвортой ажлын байрыг нэмэгдүүлнэ.

2.5.3. Малчид, хувиараа хөдөлмөр эрхлэгчдийг даатгалын үйлчилгээнд хамруулж, нийгмийн баталгааг хангана.

2.5.4 Нийгмийн халамжийн бодлогын хүрээнд амжиргааны баталгаажих түвшингээс доогуур орлоготой, өрх толгойлсон эцэг, эхчүүд, 40-өөс дээш насныхан, ахмад настан, хөгжлийн бэрхшээлтэй иргэдийн хөдөлмөр эрхлэлтийг дэмжинэ.

2.5.5 Иргэдийн санхүүгийн боловсролыг нэмэгдүүлэх замаар хуримтлалтай болгох арга зүйд сургаж, аливаа эрсдэлээс урьдчилан сэргийлэх чадвартай болгон "Хуримтлалтай хүүхэд" арга хэмжээг хэрэгжүүлнэ.

Соёлтой иргэн-Нийгмийг түүчээлнэ

2.6. Соёлын салбарын бүтээгдэхүүн, үйлчилгээгээр дамжуулан иргэдийг соён гэгээрүүлж, биет болон биет бус өвийн хадгалалт хамгаалалтыг сайжруулж, өсвөр үе залуучуудад сурталчлан таниулах, соёлын салбарын хүний нөөцийг чадавхижуулна.

2.6.1 Түүх соёлын дурсгал, биет болон биет бус өвийн хадгалалт, хамгаалалтыг сайжруулан, хүүхэд, залуучуудад түгээн дэлгэрүүлэн сурталчилна.

2.6.2 Соёл урлагийн салбарыг мэргэжлийн боловсон хүчнээр хангаж, тэдний ур чадвар, ажиллах орчин нөхцлийг сайжруулна.

2.6.3 Соёлын салбарын бүтэц, тогтолцоог боловсронгуй болгож, иргэдийг соён гэгээрүүлж, хандлагыг өөрчлөх замаар хувь хүний, гэр бүлийн, байгууллагын соёлын дархлааг нэмэгдүүлж, “Бүх нийтийн соёлын боловсрол” арга хэмжээг хэрэгжүүлнэ.

2.6.4 Соёл, урлагийн байгууллагуудын барилга, байгууламж, тоног төхөөрөмжийн ашиглалтыг сайжруулж, соёлын төвүүдийн үйл ажиллагааг өргөжүүлж, иргэн бүрт хүрч үйлчлэх нөхцөл боломжийг бүрдүүлнэ.

2.6.5 Иргэн бүрийн ном унших дадал, хэвшлийг нэмэгдүүлж, сумдын номын сангийн үйлчилгээг өргөжүүлж, үйл ажиллагааг сайжруулна.

2.6.6 Аймгийн түүхийн музейн барилгыг ашиглалтад оруулж, үйлчилгээний чанар, хүртээмжийг нэмэгдүүлэн биет болон биет бус өвийн мэдээллийн сангийн баяжилтыг сайжруулна.

2.7. Хүүхэд, залуучуудын эх оронч үзэл, үндэсний бахархлыг төлөвшүүлж, Монгол ахуй, ёс заншил, өв уламжлал, хэл бичгийн хэрэглээг нэмэгдүүлнэ.

2.7.1. Хүүхдийн хөгжил, төлөвшлийг сайжруулж, монгол өв соёл, зан заншлаа дээдэлсэн, бүтээлч, оюунлаг иргэн болгож, эцэг, эхийн үүрэг оролцоо, хариуцлагыг нэмэгдүүлнэ.

2.7.2. Хүүхэд, залуучуудын Монгол хэл бичгийн чадварыг дээшлүүлж, “Цахим соёл” арга хэмжээг хэрэгжүүлнэ.

Хонгорын иргэн-Хонгорын баялаг

2.8. Гэр бүлийн тогтвортой байдлыг хангаж, гэр бүлийн гишүүдэд ээлтэй бодлого хэрэгжүүлж, хүний хөгжил, хамгааллыг сайжруулна.

2.8.1. Гэр бүлийн боловсролыг бүх насны хүмүүст амьдралын мөчлөг, насны онцлогт тохирсон байдлаар олгоно.

2.8.2. Хуримын ордныг ашиглалтад оруулж, гэр бүлд чиглэсэн үйлчилгээний төрлийг өргөжүүлж, сэтгэл зүйн зөвлөгөө өгөх үйлчилгээг сайжруулна.

2.8.3 Залуучуудын сэтгэл зүй, хөгжил, эрүүл мэнд, боловсрол, хөдөлмөр эрхлэлт, нийгмийн оролцоог дэмжсэн хөтөлбөрт арга хэмжээг хэрэгжүүлнэ.

2.8.4. Жендэр ба хөгжил хандлагыг төлөвшүүлнэ.

2.8.5. Өвгөнжаргалант зусланг орчин үеийн хүүхдийн зуслангийн жишигт нийцүүлж, сум бүрт хөдөлмөр зуслан байгуулж, хүүхдийг монгол ахуйд сургана.

2.8.6. Хүүхдийн эрхийг дээдлэн “Хүүхдэд ээлтэй орон нутаг” хөтөлбөрийг хэрэгжүүлж, аливаа хэлбэрийн хүчирхийлэл, дарамтад өртсөн иргэнийг хамгаалах нэг цэгийн үйлчилгээний төв, түр хамгаалах байрны үйл ажиллагааг өргөжүүлнэ.

2.8.7. Угийн бичиг хөтлөх уламжлалыг сэргээж, өрх бүр угийн бичиг хөтөлж, хүүхэд, залуучуудад түгээн дэлгэрүүлсэн байна.

2.8.8. Сайн дурын үйл ажиллагааг дэмжин ажиллана. Сайн дурын үйл ажиллагаа эрхлэх иргэд, ААН-үүдийг хооронд нь холбох, үнэлэх системийг сайжруулна.

Гурав. Эдийн засгийн бодлого

Санхүү, эдийн засгийн хүндрэлийг тооцож, эдийн засгийг тогтвортой байлгахад анхаарна.

3.1. Төсвийг орон нутгийн хөгжлийн бодлоготой уялдуулан төлөвлөж иргэдийн амьжиргааны түвшинг дээшлүүлэхэд чиглэсэн санхүү, төсвийн таатай орчин бүрдүүлэх, санхүүгийн оновчтой удирдлагаар хангана.

3.1.1 Татвар төлөгчдийн бүртгэл мэдээллийн зөрүүг арилган бүртгэлд хамрагдаагүй татвар төлөгчдийг бүрэн хамруулна.

3.1.2. Аймгийн Засаг даргын нэрэмжит санхүүгийн нэгдсэн шалгалтыг сумдад зохион байгуулна.

3.1.3 Хуримтлалтай хонгорчууд хөтөлбөрийг хэрэгжүүлнэ.

3.1.4. Тунгалаг санхүү хөтөлбөрийг хэрэгжүүлнэ.

3.1.5 Бүртгэлээр тавих хяналтыг нэмэгдүүлэх, өмч хөрөнгийн ашиглалт хамгаалалтыг сайжруулна.

3.2. Аймгийн эдийн засгийн үр өгөөжийг нэмэгдүүлэх, тамир тэнхээг сайжруулна.

3.2.1. Эдийн засгийн зөвлөгөөн зохион байгуулж, зөвлөл байгуулж ажиллана

3.2.2. Төсөл хөтөлбөрүүдийг судалж гадаад харилцааг идэвхижүүлж оновчтой хөрөнгө оруулалтыг нэмэгдүүлэхэд анхаарч ажиллах

Хариуцлагатай уул уурхай-Эдийн засгийн үндэс

3.3. Орон нутагт уул уурхайн ашиглалтын үйл ажиллагаа явуулж буй ААН-үүдийн үйл ажиллагааг дэмжин эдийн засгийн үр өгөөжийг нэмэгдүүлэх

3.3.1. Орон нутагт уул уурхайн ашиглалтын үйл ажиллагаа явуулж буй ААН-үүдтэй байгуулах гэрээнд төр, иргэдийн оролцоог хангаж ажиллах

3.3.2. "Хариуцлагатай уул уурхай-Эдийн засгийн үндэс" сургалтыг уул уурхай бүхий сумдын иргэдэд зохион байгуулах

3.3.3. “Баялагын сан” байгуулж, олон нийтийн хяналтан дор байгаль хамгаалах, нөхөн сэргээх, нийгмийн шинжтэй төсөл хөтөлбөрийг иргэдийн оролцоотойгоор хийж хэрэгжүүлнэ.

3.3.4. Хариуцлагатай уул уурхайг хөгжүүлж, хууль, тогтоомжийн дагуу үйл ажиллагаа явуулдаг бичил уурхай эрхлэгчдийг дэмжиж ажиллана.

3.3.5. Эвдэрсэн газрын тооллого, судалгаан дээр үндэслэн төлөвлөгөө гаргаж батлуулах

Эрүүл хөрс - Эрүүл хүнс

3.4. ХАА-н үйлдвэрлэлийг хөгжүүлж шаардлагатай мэргэжилтнүүдийг сургаж мэргэшүүлэх

3.4.1. ХАА-ийн үйлдвэрлэлийн цогцолборын ажлыг эхлүүлж, ажиллах боловсон хүчнийг сургаж бэлтгэнэ.

3.4.2. Хоршоог хөгжүүлэх нийгмийн хэмжээний хөтөлбөрийг орон нутагт үр дүнтэй хэрэгжүүлнэ.

3.5. Аймгийн жижиг дунд болон хөнгөн үйлдвэрийн салбарын тэргүүлэх чиглэлийг оновчтой тодорхойлж, хөрөнгө оруулалтын үр өгөөжийг нэмэгдүүлнэ.

3.5.1. Үйлдвэржилтийн бодлогоор тодорхойлогдсон аймгийн тэргүүлэх чиглэлийн салбаруудад хөрөнгө оруулалт хийнэ.

3.5.2. “Бизнес инкубатор”-ийн бодлогыг эрчимжүүлж, гарааны бизнесийг дэмжиж бойжуулна.

3.5.3. Сүү, сүүн бүтээгдэхүүний үйлдвэрлэл байгуулна.

3.5.4. Хүн амын хүнсний хэрэгцээний нөөцийн махыг хувийн хэвшлүүдээр бэлдүүлж дэмжлэг олгоно.

3.6. Малын чанар, ашиг шимийг сайжруулна.

3.6.1. Орон нутгийн онцлогт тохирсон үүлдэр, омгийн малаар мал сүргийг төрөлжүүлэн өсгөх, малчдын Хөдөө аж ахуйн салбарын мэдлэг, боловсролыг нэмэгдүүлэх, сургалт, сурталчилгаа, нөлөөллийн ажлыг зохион байгуулна.

3.6.2. Сумдын үржлийн хээлтүүлэгчийг мэргэжлийн ААН-үүдэд төвлөрүүлнэ.

3.6.3. Аймаг, сумдын аюулгүй нөөцийн өвс тэжээлийг зохих түвшинд бэлтгэх, аймгийн аюулгүйн нөөцийн агуулахтай болно.

3.6.4. Малын шилэн сонголтын ажлыг үе шаттайгаар зохион байгуулна.

3.7. Мал эмнэлгийн чанар хүртээмжийг сайжруулж, эрүүл бүс статусаа бататгана.

3.7.1. Малын халдварт, гоц халдварт, шимэгчтэх өвчинтэй тэмцэх, урьдчилан сэргийлэх, мал сүргийг эрүүлжүүлэх үйл ажиллагааг хэрэгжүүлж эрүүл бүс статусаа бататгана.

3.7.2. Малын шилжилт хөдөлгөөн болон малын гаралтай бүтээгдэхүүнд тавих хяналт шинжилгээг сайжруулна.

3.7.3. Мал эмнэлгийн бэлэн байдлыг хангах, шаардлагатай эм бэлдмэлийн нөөц бүрдүүлнэ.

3.7.4. Малыг паразит болон бусад өвчлөлөөс сэргийлэх угаалга, ариутгалын зориулалттай автомашин, зөөврийн тоног төхөөрөмж авна.

3.7.5. Мал эмнэлгийн лабораторийн барилгыг ашиглалтад оруулах

3.8. Бэлчээр ашиглалтыг зөв зохион байгуулж, шаардлагатай цэгүүдэд уст цэг шинээр бий болгох, бэлчээрийн хортон мэрэгчтэй тэмцэх ажлыг сайжруулах

3.8.1. Аймгийн бэлчээр ашиглалтыг хариуцлагажуулах үлгэрчилсэн журмыг хэрэгжүүлж, сумдад малчдын бүлэг, нөхөрлөлийг түшиглэн МАА-г эрсдэлээс хамгаалах хамтын сан байгуулна.

3.8.2. Бэлчээрийг өнжөөж, чөлөөлөн нийт бэлчээрийн 10-аас доошгүй хувийг нөөц бэлчээрээр авна.

3.8.3. Худаг уст цэг гаргах, шаардлагатай цэгүүдэд уст цэгийн хайгуул хийх

3.8.4. Аймгийн хэмжээнд дэвшилтэт аргаар бэлчээрийн хортон мэрэгчтэй тэмцэнэ.

3.9. Газар тариалангийн салбарын үйл ажиллагааг дэмжиж тариалалт, ургац хураалтын хэмжээг нэмэгдүүлнэ.

3.9.1. Аймгийн хэмжээний услалтын системүүдээс бага зардлаар боломжит үр ашиг өгөх услалтын системийг шинэчлэн засварлаж тэжээлийн ургамал тариалах, төмс, хүнсний ногооны тариалалт ургац хураалтыг нэмэгдүүлнэ.

3.9.2. Төмс, хүнсний ногоо, жимс жимсгэнэ төслийн хүрээнд хийгдсэн ажлын үр дүнг тооцох, цаашид Хувийн хэвшил, төсөл хөтөлбөрүүдтэй хамтарч хэрэгжүүлэх, өрхийн тариалалтыг нэмэгдүүлнэ.

3.9.3. Стандартын шаардлага хангасан 1000 тн-ы төмс, хүнсний ногоо, махны зоорьтой болно.

3.9.4. Газар тариалан эрхлэгчдийг дэмжих, шаардлагатай тоног төхөөрөмжөөр хангах зээлийн бодлогоор дэмжих, дундын үйлчилгээний нэгж байгуулна.

3.9.5. Хүнсний нарийн ногооны хангамжийг нэмэгдүүлэх зорилгоор өвөл, зуны хүлэмжийн парк аж ахуй бий болгох, агро парк байгуулах ажлын эхлүүлж зураг төсвийг хийлгэнэ.

3.10. Хөдөө аж ахуйн салбарын ажилтан мэргэжилтнүүдийн тогтвортой байдлыг хангана.

3.10.1. Хөдөө аж ахуйн тасаг, Мал эмнэлгийн тасгийн мэргэжилтнүүдийг бэлтгэх, сургах, дадлагажуулах үйл ажиллагааг тогтмол зохион байгуулж бүрэн орон тоогоор ажиллуулна.

3.10.2. Мал эмнэлгийн ААН-үүдийн үйлчилгээнд хяналт тавьж чанар хүртээмжийг нэмэгдүүлнэ.

3.11. Нутгийн дурсгалт газруудыг түшиглэн аялал жуулчлалыг хөгжүүлэх, нутгийн иргэдийг орлоготой болгох эдийн засгийн үр өгөөжийг нэмэгдүүлнэ.

3.11.1. Эвент арга хэмжээнүүдийг зохион байгуулна.

3.11.2. Аялал жуулчлалын видео контент нэвтрүүлэг бэлтгэнэ.

3.11.3. Төрийн болон орон нутгийн тусгай хамгаалалттай газруудын тохижилт

3.11.4. Бууцагаан суманд жуулчдын түр буудаллах цэг байгуулахад дэмжлэг үзүүлнэ.

3.11.5. Орон нутгийн түүхэн дурсгалт, үзэсгэлэнт газруудыг түшиглэн аялал жуулчлалыг хөгжүүлэх, нэг жуулчнаас олох орлогыг нэмэгдүүлнэ.

3.11.6. Орон нутгийн тусгай хамгаалалттай газар нутгийг хамгаалах Орон нутгийн өмчит компани байгуулах, тусгай хамгаалалттай газруудын тохижуулах, сэргээн засварлана.

Ээлтэй төлөвлөлт - Эрсдэлгүй амьдрал

3.12. Аймгийн автозамын аюулгүй байдлыг хангаж, авто тээврийн үйл ажиллагааг зохистой түвшинд хангаж ажиллана.

3.12.1. Аймгийн төв доторх шаардлагатай газруудад хатуу хучилттай авто зам барих, шинэчлэх, явган хүний зам, унадаг дугуйн зам барих, шинэчлэх, нийтийн эзэмшлийн зам талбайд зогсоол, зам барих, шинэчлэнэ.

3.12.2. Аймгийн төв доторхи хатуу хучилттай автозамын нөхөөсний ажил хийнэ.

3.12.3. Аймгийн төв доторх асбальтон хучилттай авто замын тэмдэг тэмдэглэгээний засвар шинэчлэлт хийнэ. /босоо, хэвтээ тэмдэг тэмдэглэгээ, гэрэл, гэрлэн дохио/

3.12.4. Шинэ суурьшлын бүсийн 8.5 км хатуу хучилттай автозамын барилгын ажлын зураг төсвийг хийлгэх, ажлыг гүйцэтгэнэ.

3.12.5. Замын хөдөлгөөний аюулгүй байдлыг хангах зорилгоор хурд сааруулагч хийх, Заг сумын Загийн гол, Эрдэнэцогт чиглэлийн Түйн гол, Баян-Овоо сумын Хоолтын гарам, Бөмбөгөр сумын Өлзийтийн гол, Богд сумын Түйн голд төмөр бетонон гүүр барина.

3.12.6. Нийтийн тээврийн үйлчилгээний чанар хүртээмжийг сайжруулж инновац, дэвшилтэт техник технологи, дижитал шилжилтийг нэвтрүүлж ухаалаг тээврийн нэгдсэн тогтолцоог хангуулж иргэдийг аюулгүй, ая тухтай зорчих нөхцлийг хангана.

3.12.7. Аймгийн Нисэх буудлын хүчин чадлыг нэмэгдүүлж, нислэгийн тоог нэмэгдүүлэх, нисэх буудлын үйл ажиллагааг олон улсын стандартад хүргэнэ.

3.13. Аймгийн дэд бүтцийн менежментийн тогтолцоог бэхжүүлж, иргэдийн орон сууцны хангамжийг нэмэгдүүлнэ.

3.13.1. Төвлөрсөн хот сум, суурин газарт дулааны эх үүсвэр шинээр барих, өргөтгөх ажлыг үе шаттайгаар хэрэгжүүлж дулаан хангамжийн чанар хүртээмж, ард иргэдийн ая тухтай амьдрах нөхцлийг сайжруулна.

3.13.2. Өлзийт, Баян-Овоо, Эрдэнэцогт сумдыг дагуул сум болгон хөгжүүлж, хүн амын шилжилт хөдөлгөөнийг сааруулна.

3.13.3. Зарим сумын төвийг бүсчилсэн ногоон хөгжлийн хөрөнгө оруулалтын хөтөлбөрт хамруулж, сумдад "Сумын хөгжил" арга хэмжээг хэрэгжүүлнэ.

3.13.4. Олон улсын стандартад нийцсэн унадаг дугуйн зам барьж, иргэдэд ая тухтай зорчих боломжийг нэмэгдүүлнэ.

3.13.5. "Хонгор-1000" хорооллын инженерийн шугам сүлжээнд төрийн болон хувийн хэвшлийн барилга байгууламжуудыг холбоно.

3.13.6. Хот суурины ус хангамж, ариутгах татуургын шугам сүлжээний хүчин чадлыг үе шаттайгаар нэмэгдүүлж ашиглалтын дэвшилтэт техник, технологи нэвтрүүлж ухаалаг автомажуулалтын системийг нэмэгдүүлнэ.

3.13.7. Хот суурины үерийн далан суваг, борооны болон хөрсний ус зайлуулах шугам сүлжээний ажлыг үе шаттайгаар хэрэгжүүлнэ.

3.13.8. Аймгийн ашиглалтын шаардлага хангахааргүй болсон хуучин барилгуудыг буулгаж, шинээр төлөвлөх, өнгө үзэмжийг сайжруулах, гадна орчны тохижилт хийх, инженерийн шугамыг шинэчлэх, оршин суугчдын ая тухтай амьдрах нөхцөлийг бүрдүүлж үйлчилгээг СӨХ-д шилжүүлэх ажлыг зохион байгуулна.

3.13.9. Аймаг, сумдын ерөнхий төлөвлөгөөнд тусгагдсаны дагуу аймгийн хэмжээнд 1000-аас доошгүй айл өрхийг орон сууцаар хангана.

3.13.10. Аймаг, сумын төвүүдийн 380/04кВ-ын шугамын өргөтгөлийг хэрэгцээ шаардлагын дагуу нэмэгдүүлж гудамж талбайн гэрэлтүүлгийг нэмэгдүүлэх, аймгийн төвд 35/10кВ-ын дэд станц шинээр байгуулан албан байгууллага, айл өрхүүдийг шөнийн тарифт, ухаалаг тоолуурт шилжүүлнэ.

3.13.11. Сумын төвүүдийг цэвэрлэх байгууламжтай болох асуудлыг үе шаттайгаар шийдвэрлэнэ.

3.13.12. Аймгийн төвийн 2 дугаар хэлхээ, Залуус хороолол, Шинэ суурьшлын бүсийн инженерийн шугам сүлжээний ажлыг үе шаттайгаар шийдвэрлэнэ.

3.13.13. Үүрэн телефонуудын сүлжээний хамрах хүрээг өргөтгөж аймгийн нийт нутаг дэвсгэрийн хэмжээнд гар утсаар ярих боломжийг нэмэгдүүлнэ.

3.13.14. Төрийн байгууллагын интернетийн урсгал, тэдгээрийн хоорондын суваг, сувагчлалыг одоо байгаагаас 2 дахин нэмэгдүүлнэ.

3.13.15. Үндэсний дата төвийг түшиглэн аймгийн хэмжээны "Дата төв"-ийг байгуулна.

3.13.16. Аймгийн суурьшлын бүсүүдийг хамарсан утасгүй сүлжээний дэд бүтэц байгуулна.

Дөрөв. Засаглалын бодлого

Төрийн албыг түргэн шуурхай болгож, иргэдийг төрийн нэгдсэн бодлого, удирдлагаар хангаж, төрийн үйлчилгээг шуурхай, хариуцлагатай, хүртээмжтэй хүргэх нөхцөлийг бүрдүүлж, иргэдийн цаг хугацаа, зардлыг хэмнэнэ.

4.1. Төрийн албанд ёс зүй, чадахуйн зарчмыг төлөвшүүлж, үйл ажиллагааны чанар хүртээмж, ил тод байдлыг сайжруулна.

4.1.1. Төрийн албаны хүний нөөцийн удирдлагын мэдээллийн санг цалингийн нэгдсэн системтэй холбож, орон тоо, төрийн албаны стандартын хэрэгжилт, хяналтыг сайжруулж, байгууллагуудын хүний нөөцийн бодлого үйл ажиллагааг нэгдсэн удирдлага, арга зүйгээр хангана.

4.1.2. Аймгийн хэмжээнд шаардлагатай байгаа мэргэжилтэй боловсон хүчний нөөцийн судалгааг хийнэ.

4.1.3. Аймгийн хэмжээнд шаардлагатай боловсон хүчний судалгаанд үндэслэсэн "Төрийн мэргэшсэн албан хаагч" 2022-2026 онд дэд хөтөлбөрийг боловсруулж, батална.

4.1.4. Аймгийн хэмжээнд төрийн албан хаагчдыг чадавхжуулах 2021 оны нэгдсэн төлөвлөгөөг баталж, хэрэгжүүлнэ.

4.2. Төрийн албан хаагчийн ёс зүй, сахилга хариуцлагыг сайжруулна.

4.2.1. Төрийн албан хаагчийн үйл ажиллагааг үнэлэхдээ ажлын гүйцэтгэл, үйлчлүүлэгчийн үнэлгээ, ёс зүй, сахилга хариуцлагыг шалгуур болгож, ёс зүйн зөрчил гаргасан төрийн алба хаагчид хүлээлгэх хариуцлагыг чангатгана.

4.3. Цахим хөгжлийн нэгдсэн бодлого, төлөвлөлт, удирдлагаар хангаж, төрийн үйлчилгээг шуурхай, хариуцлагатай, хүртээмжтэй хүргэх нөхцөлийг бүрдүүлж, иргэдийн цаг хугацаа, зардлыг хэмнэнэ

4.3.1. Төрийн байгууллагуудын мэдээллийн технологийн хэрэгцээг үнэлж орон тооны ажилтантай болох эсхүл мэргэжлийн байгууллагаар гэрээлэн гүйцэтгүүлэх замаар хэрэгцээ шаардлагыг хангана.

4.3.2 E-Mongolia хөтөлбөрийн хүрээнд “Төрийн үйлчилгээний нэгдсэн төв”-ийн үйл ажиллагааг эрчимжүүлж, төрийн байгууллагын үйл ажиллагаанд мэдээлэл, харилцаа холбооны дэвшилтэт технологи, дэд бүтэц, инновац нэвтрүүлэх замаар төрийн цахим үйлчилгээг нэмэгдүүлж, бүтээмж, үр ашгийг дээшлүүлнэ.

4.3.3 “Төрийн байгууллагын цахим хэрэглээний журам”-ыг боловсруулж төрийн байгууллагын мэдээллийн аюулгүй байдлын тогтолцоог бэхжүүлэх, бүх нийтийн харилцаа холбоо, мэдээллийн технологийн суурь мэдлэг, ур чадварыг дээшлүүлнэ.

4.3.4 Төрийн байгууллагуудын үйл ажиллагааны мэдээллийн нийтэд ил тод байдлыг нэмэгдүүлж, иргэд, олон нийтийн хяналт, оролцоог хангах системийг нэвтрүүлнэ. (жнь бүх төрлийн тусгай зөвшөөрөл, лиценз олголт,

4.3.5 Төрийн байгууллагуудын цахим хяналт, мэдээлэл нэгтгэлийн системийг хөгжүүлж аймгийн болон байгууллагын удирдлагуудыг өдөр тутмын нэн шаардлагатай мэдээллээр хангана.

4.3.6 Төрийн байгууллагуудыг үйл ажиллагаа, хяналт, удирдлагын нэгдсэн систем ашиглалтыг сайжруулж, тоон гарын үсэг нэвтрүүлэн цаасгүй технологи руу бүрэн шилжинэ.

4.3.6 Бүс нутгийн аялал жуулчлал, бизнесийг дэмжих технологийн шийдлүүдийг боловсруулж хэрэгжүүлнэ.

4.3.7 Авлига ашиг сонирхлын зөрчлөөс урьдчилан сэргийлэхэд бүх нийтийн хандлагыг төлөвшүүлнэ.

Аюулгүй нийгэм-Амар тайван орчин

4.4. Иргэдийн аюулгүй байдлын түвшинг нэмэгдүүлнэ.

4.4.1. Тодорхой төрлийн гэмт хэрэг, зөрчлийн шалтгаан нөхцөлийг тогтоох замаар түүнээс урьдчилан сэргийлэх, гаралтыг бууруулна.

4.4.1.1. Согтуугаар үйлдэгдэж буй гэмт хэрэг зөрчлийн тоог бууруулах, хяналтын системийг сайжруулна.

4.4.1.2. Гэр бүлийн хүчирхийллийн улмаас үйлдэгдэж буй гэмт хэрэг, зөрчлийн тоог бууруулна.

4.4.1.3. Хөдөлгөөний аюулгүй байдлын эсрэг гэмт хэргийн тоог бууруулна.

4.4.1.4. Малын хулгайн гэмт хэргийн тоог бууруулна.

4.4.1.5. Цагдаагийн газрын үйл ажиллагаанд дэмжлэг үзүүлнэ.

4.4.1.6. Дэвшилтэт технологи бүхий гэрэлтүүлэг, камержуулалтын нэгдсэн системийг Баянхонгор сум болон сумдын төвийн нийтийн эзэмшлийн бүсүүдэд нэвтрүүлж Цагдаагийн газарт нэгдсэн удирдлагаар хянаана.

4.5. Иргэдийн Эрх зүйн боловсролыг дээшлүүлнэ.

4.5.1. Бүх нийтийн эрх зүйн боловсролыг тасралтгүй дээшлүүлэх тогтолцоог бэхжүүлж, иргэдэд эрх зүйн харилцаанд бие даан оролцох чадварыг боломжит хэлбэрээр нэмэгдүүлнэ.

4.6. Албан хэрэг хөтлөлтийн үйл ажиллагааг төгөлдөржүүлэн, мэргэжилтэй боловсон хүчнээр хангаж, архивын баримтын хадгалалт хамгаалалт аюулгүй байдлыг сайжруулна.

Тав. Ногоон хөгжлийн бодлого

5.1. Байгаль орчныг хамгаалах, байгальд үзүүлэх сөрөг нөлөөллөөс урьдчилан сэргийлэх, байгаль орчны бодлогыг төлөвлөн хэрэгжүүлнэ.

5.1.1. Улсын болон орон нутгийн тусгай хамгаалалттай газар нутгийн сүлжээг өргөтгөнө.

5.1.2. Цэнгэг усны нөөц, урсац бүрэлдэх эхүүдийг судалж хамгаалах, урсацыг нэмэгдүүлэх арга хэмжээ авч ажиллана.

5.1.3. Хөрсний үржил шим, чийгийг хамгаалж, газрын доройтол, хөрсний бохирдол, цөлжилтөөс сэргийлэн эвдрэлд орсон, доройтсон газрыг нөхөн сэргээнэ.

5.1.4. Иргэдийн 20%-д ногоон хөгжил, тогтвортой хөгжлийн боловсрол олгоно.

5.1.5. “Хамгаалах-ашиглах” зарчмаар нутгийн иргэдийн оролцоонд тулгуурлан байгаль орчныг хамгаална.

5.1.6. Газрын доройтол, цөлжилтийг сааруулах арга хэмжээг авч хэрэгжүүлнэ.

5.1.7. Мэргэжлийн байгууллагаар аймгийн ойн менежментийн төлөвлөгөө боловсруулж батлуулна.

5.1.8. Орон нутаг өөрийн нөөц боломжоор 1 сая мод тарьж, ойн талбайн хэмжээг нэмэгдүүлнэ.

5.1.9. Түйн голын ай савыг бургасжуулж, урсацыг нэмэгдүүлнэ.

5.2. Байгаль орчны хууль тогтоомжийг олон нийтэд сурталчлан таниулж стандарт хэм хэмжээг мөрдүүлэх, байгаль хамгаалалд иргэдийн оролцоог хангана.

5.2.1. Булгийн эхийг хамгаалах, ундаргыг сэргээх, төв байгуулах ажлыг малчид, малчдын бүлэг, нөхөрлөлийн хамтаар хийж хэрэгжүүлнэ.

5.2.2. Усны сан бүхий газрын хамгаалалтын бүс, ус хангамжийн эх үүсвэрийн эрүүл ахуйн бүсийн дэглэмийн хэрэгжилтийг сайжруулах, усны бохирдол хомсдолыг бууруулж ажиллана.

5.2.3. Баацагаан сумын Бөөнцагаан нуурыг улсын тусгай хамгаалалтад авах талаар ажлыг дээд шатны байгууллагуудад уламжилж, Бөөнцагаан нуурын менежментийн төлөвлөгөөг боловсруулна.

5.2.4. Газрын байгалийн тогтоц, нуга, голын татамд хур тунадас, хайлсан цас, мөсний усыг хуримтлуулах хөв цөөрөм, Байдраг голыг түшиглэн олон зориулалтаар ашиглах усан сан байгуулна.

5.2.5. Зэрлэг амьтдыг хамгаалах өвс тэжээлийн хомсдолоос урьдчилан сэргийлэх, амьдрах орчныг сайжруулах чиглэлээр зэрлэг амьтны байршил бүхий газруудад биотехникийн арга хэмжээ авна.

5.2.6. Усны нөөц, гидрогеологийн зураглал хийж, усны нөөц баялгийн мэдээллийн сан бүрдүүлэн усны нөөцөд тохирсон хэрэглээг хэвшүүлнэ.

5.2.7 Хүн амыг эрүүл ахуйн шаардлага хангасан ундны усаар хангана.

5.2.8. Хүлэмжийн хийн ялгарлыг 10 хувиар бууруулна.

5.2.9. Ус, цаг уурын ажиглалтын болон орчны хяналт-шинжилгээний сүлжээг өргөжүүлж, цаг агаарын аюулт үзэгдлийг урьдчилан мэдээлэх, сэрэмжлүүлэх чадавхыг бэхжүүлж байгалийн гамшгийн эрсдэлийг бууруулна.

5.2.10. Хог хаягдалын менежментийн төлөвлөгөө боловсруулж хэрэгжүүлэх, хог хаягдлын дахин боловсруулалтын үйлдвэрлэлийг дэмжиж хөгжүүлнэ.

5.2.11. Орон нутгийн иргэдэд түшиглэсэн уур амьсгалын өөрчлөлтөд тэсвэртэй ус хангамж, ариун цэвэр, эрүүл ахуйн үйлчилгээ төслийг хэрэгжүүлнэ.

5.3. Агаар, хөрс, усны бохирдлыг бууруулна.

5.3.1. Хог хаягдлын менежментийн төлөвлөгөөг боловсруулж ажиллана.

5.3.2. Баянхонгор сумын гэр хорооллыг цэвэр усны болон дулааны шугамд шат дараатайгаар холбох

5.3.3. Баянхонгор сумын төв дундах шороон замыг асбальтон хучилттай хар зам болгож тоосжилтыг багасгах

oOo
